

北京圖書館 編

北京圖書館藏珍本
年譜
叢刊

第 145 冊

北京圖書館出版社



□ 北京圖書館 編

北京圖書館藏珍本
年譜叢刊

北京圖書館出版社

第 145 冊

第一四五冊目錄

先文端公年譜	一
警石府君年譜	一一
定盦先生年譜	二四三
定盦年譜稿本	三六五
定盦先生年譜外紀	三七五
小浮山人年譜	四六七
先河南公年譜卷上	五八七

先文端公行述

嗚呼我卜先考遂庵府君服官四十年以清介
正直受

累朝特達之知由詞臣致位宰輔凡所規畫務崇大體
未嘗為

國家言利自庶僚以至權貴有以言利之說進者
必抗詞執奏不為少詘碩德清節海內引重今
皇帝御極之初一府君方以疾在告

兩宮

皇太后圖任舊人以輔

聖德

特旨起用以大學士銜管理工部事務有守正不阿

之

褒！府君兩疏固辭卒不獲請明年春奉

懿旨 在弘德殿授讀日侍

經帷寅入申出十一月朔退直後邁寒疾越五日疾

篤遂至不起遺疏入

上震悼

命醇郡王率侍衛十員奠醑

賜陀羅經被 晉贈太保入祀賢良祠

予謚文端

賜祭葬飾終之典隆天厚地不孝同書等痛念一府

君立 朝本末當有列傳在於

國史又將求當代立言君子作為碑表銘幽之文

恐生平行事世或未能盡知不可以無述謹和
淚濡墨纂次其略曰——府君姓翁氏諱心存字
二銘自號遂庵先世自明永樂中由長洲相城
里遷常熟遂為常熟人五世祖玉于公諱長庸
順治丁亥進士河南布政司參政分守河南道
四世祖林一公諱大康熙丁丑進士福建上
杭縣知縣皆以廉惠為士民所頌高祖天申公
諱俸暨配錢孺人先後卒繼聘王孺人未婚守

節立兄子文安公為後文安公諱汝明是為一
府君曾祖早卒未娶復以兄子贅庵公為後贅
庵公諱謙一府君祖也性純孝隱居不仕考潛
虛公諱咸封乾隆癸卯舉人海州學正祀海州
名宦自文安公而下三世皆贈光祿大夫體仁
閣大學士祖母氏王前母氏許皆贈一品夫人
母氏張封太淑人累贈一品夫人本生曾祖鄰
哉公諱汝弼贈光祿大夫配節母錢氏贈

一品夫人——府君幼奇慧七歲能屬文十三編
誦經史下筆累千言隨侍潛虛公於海州唐陶
山先生仲冕為州牧見而奇之遂師事焉十六
補弟子員二十丁潛虛公憂哀慕毀瘠偕兄朗
若公自海州扶匭歸值寶應運河決同行之舟
盡覆獨一舟得全人以為孝感服除食餽於庠
屢試高等新城陳侍郎希曾督學江蘇試玉皇
香案吏賦第一有國士之目二十六應嘉慶丙

子科江南鄉試中式第三名卷中為謄錄生訛
一字已擯落矣主考內閣學士湯公金釗刑部
員外郎陸公言揆得奇賞之遂冠其房入都會
試賢士大夫聞其名皆願納交嘗遊汴梁南昌
所至覽觀山川形勢名賢遺迹往往作為詩歌
以道其懷道光二年壬午恩科成進士總裁
協辦大學士英公和尚書汪公廷珍侍郎湯公
金釗李公宗昉同考則龍巖魏遂生先生茂林

也時一府君年三十有二矣殿試二甲第三名改庶吉士次年散館一等第一名授翰林院編修四年四月充武英殿總纂八月大考二等第二名奉

旨遇缺提奏九月升右春坊右中允是冬充文淵閣校理五年充福建鄉試正考官闈中聞

命簡任廣東學政六年轉補左中允九年二月差竣回京六月奉

旨入直

上書房十年八月充

日講起居注官九月

擢翰林院侍講十一年充順天鄉試同考官十二年充四川鄉試正考官甫還朝而有江西學政之

命十三年正月補右春坊右庶子三月轉補左庶子四月升國子監祭酒仍留江西學政之任十四年十二月回京十五年充浙江鄉試正考官差旋過吳門乞假回籍省親適奉

旨補授奉天府府丞兼學政入都復

命即赴瀋陽任十六年授大理寺少卿十七年抵京

特旨授六阿哥讀十八年閏四月以母張太夫人年屆

八十乞養旋里初張太夫人就養京師中間嘗

一至粵東後不樂北方風土遂由潞河南歸及

是朝夕侍側者八年怡顏養志若將終身二十

五年六月丁張太夫人憂哀毀猶處潛虛公之

喪二十七年九月服闋次年卜吉壤得白鵠峰

下新阡奉張太夫人匱葬焉先是府君之告歸也

宣宗成皇帝意方嚮用以一府君疏辭懇惻不得不如所請至是

上亟望其還朝會不孝同書授貴州學政召見於

勤政殿

上問曰汝父豈終不來乎葬事將以何日畢乎同書再

頓首謝具對臣父受

恩深重今葬事將畢期以明春北上

上喜曰汝父固當速來汝其具家書述朕意趣其行同
書復頓首謹奉

詔—府君聞

命感泣既葬張太夫人遂以二十九年三月抵京
召見

詢家居十年狀七月復直上書房再授國子監祭酒

十二月遷內閣學士兼禮部侍郎銜是月補授
工部左侍郎兼署錢法堂事務奉

旨授八阿哥讀三十年正月

文宗顯皇帝登極

特派偕諸王大臣恭理喪儀二月充

實錄館副總裁六月調戶部右侍郎兼管錢法堂事務

十月

賜紫禁城騎馬咸豐元年八月充順天鄉試副考官閏

八月兼署吏部右侍郎十二月補授工部尚書
充

經筵講官二年四月充 殿試讀卷官七月充

實錄館總裁專司恭纂藁本八月兼署都察院左都御
史九月充武會試正考官三年五月調刑部尚
書旋仍調工部尚書

命兼管順天府府尹事務是年十二月以順天府屬員
失察盜案牽連絀吏議落職四年二月起為吏